

- Semesqs pisces, quos Indus liquerat hospes;  
 Insimul accipient, e quarto munere carpant,  
 630 Quae sint cunque dapes sitiunt consumere fauces;  
 Jejunus raro stomachus vulgaria temnit.  
 vulpes.
- 'Causa namque tui rorentur munera Bacchi,  
 Ut bene sunt pransi, redeant ad limina templi.'
- C**onfestim tristes leopardus currit ad aedes  
 635 Exclamatque palam, conventus deserit aulam.  
 'Currite vos citius, sic rex jubet iste secundus:  
 Ille sub densa stomachantia sternite membra,  
 Horas cantate, jentacula parta vorate,  
 Deque cibo celeres proprias cognoscite sedes.
- 640 Non strepitus vocis, nec sit mutatio sedis.  
 Ligna ferant ursi, comportent sua camelii,  
 Nam latices luter deducat, aquatica fiber,  
 Sic fiat, sic sit, horum natura reposcit;  
 Obsequio tigridis curetur copia panis,
- 645 Piscibus aptandis, avibus rarib[us] piperandis,  
 Escis cum reliquis, nigris sollertia barris.  
 Praeponor dapibus, disponat pocula cervus,  
 Dente timendus aper, turbatis viribus acer  
 Has portas servet, nobis obstantia spectet.'
- aper.
- 650 Ne venatores suffocent nos velut hostes,  
 Fagus adest alta, concendat squirio celsa,  
 Hos peragret visu, percurram cetera sensu.'
- leopardus.
- 'Linces cum damis hi sint custodia regis,  
 Coerula catta maris conservet strata jacentis,  
 655 Tincta super lectos candescat vestis eburnos,  
 Simia deformis reparat candelabra lichnis,

633 sint A. 638 gentacula A.